

Nico&Bella, 4j.



suechet zäme es nöiis Daheime mit Freigang

Sali zäme

Dörfet mir üs vorschtäue? Mir sy dr Nico u d'Bella, bäschtli Fründe u zäme uf dr Suechi nach eme nöiie Daheime. Warum? Bi üs daheime het's grad einige Veränderige gäh, Züglete, cheis Törli meh nach dusse, nöiie Job vo Doseöffnr, chuun einr daheime u nüm richtig Ziit für üs. Mir chömmet eifach viu z'churz. Drum!

Mir sy 4jährig, nid verwandt u nid verschwägeret, abr bäschtli Fründe, kaschtriert, gimpft, chippet, gsung, fit u muntr, schtuberein u guet erzoge, zwöi ganz liebi u uuchomplizierti Büsis. Mir sy sähr mönschebezoge u aahänglech u schmüsele für üses Läbe gärn. Dr Nico isch echener dr Schüechi (zmindeischt bi Frömde), er bruucht es bitzeli zum Aachoh. Abr denn ... denn mutiert er zum Sofatiger, lässt sich Ummetrage u pläuderlet de ganz Tag. Typisch MainCoon ebe. D'Bella isch die Nöigiirigeri vo üs, sie liebt's ou z'Schmüsele, abr sie chommt nid vo allei, sie muess mer abhole, denn liebt sie's ou. Was mir üs wünsche? Auso ganz ganz liebi Lüüt, die wo üs uf Läbensziit wönnt verwöhne u Fröid a grossi Chatze hei. Dr Nico wiegt 8 Kilo, gäu? Gärn früsch Pensionierti odr Teilziitlr odr Homeofficler, eifach Lüüt, die wo ou viu daheime sy, nid nur am Wucheänd. Gärn ou e Familie mit grösseri Ching, so ab 10i/12i, wo fascht immr öpper dihei isch. U natürlech Freigang i ere verchersarme Umgäbig, das isch es Muess, durch's Törli düre, so dass mir immr inne u usse chönnt, wie u wenn mir das wönnt. Odr wusch Du Türliöffner schpiue, tag u nacht? Ebe, siesch, Törli muess sy! E eigene Garte wär geniau u dahinter Wiese odr Fäudr. Chliini Ching u Hung wönnt mir liebr nid im Daheime, e Chatz eigentlech ou nid, mir sy ja scho zu zwöit, das gnüegt üs.

Was meinsch Du, chönntisch Du üs so öppis biete? Wohnsch Du i ere verchersarme Gägend u suechsch Du zwöi liebi Mitbewohnr? Das wär's! Denn müesst mir üs unbedingt lehre chenue. Mir wohne im Moment no z'Niederweningen/ZH, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Wenn bsuechsch Du üs einisch zum Beschnuppere?

Dini Nico&Bella



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch